

# 哈密志卷之三十

武備志四

營庫營倉

哈密原額通融銀一萬兩係乾隆十五年三月間從安西提督衙門撥運到哈密存貯營庫但查此項銀兩原爲接濟兵丁之需於每年陸續預爲撥給營中採辦麥石而備兵糈以防昂貴之舉將此項糧石存貯營倉陸續發交水磨兵目磨麪仍行交倉存貯散放兵食若遇糧價昂貴之際而兵丁在倉食麪者多如麪價賤則兵丁在城外糧店買食而倉中請領麪者少矣倘在營倉中食麪若干觔每季按兵所食多寡卽在本身所關餉銀內扣除以歸原欸而昭核實也